



Gobierno ta coregi informacionnan eroneo y e insinuacionnan, lanza pa sr. Pontilius den prensa

STA. CRUZ -- Relaciona cu e ultimo declaracionnan haci pa e Secretario General di e Federacion di Trahadornan di Aruba (FTA), sr. Anselmo Pontilius, gobierno un biaha mas kier coregi e informacionnan eroneo y e insinuacionnan sin base cu sr. Pontilius ta lanzando den prensa. Silver Moon Hotel & Casino y RIU Hotels & Resorts a conclui nan negociacionnan den segundo mitar di 2005 y a anuncia e venta y compra di e propiedad den medionan di prensa local. Dia 15 di December 2005, e Ministro di Turismo y Transporte y un consehero ta reuni cu un delegacion di FTA consistiendo di sr. Anselmo Pontilius, delegado y empleadonan di Aruba Grand Hotel & Casino. Gobierno a duna FTA tur informacion relevante y urgi e representantenan di FTA pa cuminsa encamina e proceso di negociacion cu e doñonan di hotel. Riba peticion di FTA gobierno a tuma contacto cu representantenan di RIU na Mallorca, Spaña, y a urgi nan tambe pa lo mas antes posibel tuma contacto cu FTA. T'asina cu durante e reunion cu FTA, e representantenan a informa e Ministro di Turismo cu aparentemente un gran parti di e personal (aproximadamente 40 empleado), pa motibo di nan edad, lo opta pa un "early retirement", un que otro dependiendo di e pakete cu Silver Moon/RIU lo ofrece nan. Na momento di benta di e propiedad/hotel, Aruba Grand Hotel tabata tin 124 empleado den servicio. Cuarenta y ocho (48) empleado a acepta e asina yama "termination package" cu Silver Moon Hotel & Casino a ofrece nan promer cu ciere di e hotel. Varios di e ex - empleadonan a tuma e pakete di retiro, pasobra

nan a haña trabao na otro hotel. Dia 15 di Mei 2006, FTA a aproba e pakete di retiro cu nan negocia cu Silver Moon y RIU pa 73 di e 76 empleadonan cu a resta. Na luna di Februari 2006, pa ser exacto dia 6 di Februari 2006, RIU, base di e carta di gobierno fecha 30 Juni 2005 puntonan 12 y 17 ta informa Minister di Labor cu nan lo selecta 65 empleado di Aruba Grand Hotel pa sigui un training pa despues tuma esnan cu pasa e programa di entrenamiento cu bon resultado den servicio. Aruba Grand Hotel a cera su portanan dia 30 April 2006. Sinembargo pa motibonan fuera di alcance di gobierno, RIU y FTA no por a comunica of yega na otro riba varios punto cu ta concerni e trahadornan y gobierno entre otro a base di un carta di FTA fecha 8 Mei 2006 a tuma contacto cu sr. Luis Riu na Spaña y a urgi'e pa yega na un solucion mas pronto posibel cu FTA y e trahadornan di Aruba Grand Hotel. Sr. Riu mesora a instrui su abogado pa viaha pa Aruba y negocia un acuerdo cu partidonan por biba cu ne. Den un reunion convoca pa gobierno dia 10 di Mei 2006, partidonan envolvi, esta Silver Moon Hotel & Casino N.V., Federacion di Trahadornan di Aruba y RIU Hotels a conveni cu Silver Moon Hotel & Casino N.V. lo paga 73 empleado, kendenan ta miembro di FTA, un compensacion di retiro di trabao E pakete di compensacion ta consisti di:

- Pago di cesantia segun nos leynan vigente;
- Notificacion di terminacion di empleo (2 siman di opzeggingstermijn) segun leynan vigente;
- Pago pa dianan di vacacion;
- Pago pa dianan di maleza;
- Un Bonus di Pasco calcula proporcionalmente teniendo

cuenta cu e fecha di retiro, y un compensacion pa tur otro derechonan cu 73 trahador tin segun e contrato colectivo. demas di e pakete di compensacion menciona aki riba, RIU Hotels, como muestra di buena fe a bay di acuerdo pa paga e 73 trahadornan un (1) luna di salario pa cada aña cu nan tabata den servicio di Silver Moon Hotel & Casino.

E acuerdo menciona tabata condiciona na aceptacion door di e 73 trahadornan pa mas tarda dia 15 di Mei 2006. Ta bon pa remarca y informa e 73 trahador, miembro di FTA y pueblo di Aruba, cu e sindicato FTA y su 73 miembronan a bay di acuerdo cu e convenio menciona y alavez a bay explicitamente di acuerdo cu puntonan 6 y 7 di e convenio, cual ta stipula:

"6. Upon receipt of the payment as outlined above, Employees shall give full and final release to the Employer and RIU for any and all claims regarding employment agreement between Employees and Employer." "7. Employees shall irrevocably withdraw the dissolution case and sign a standard termination agreement with employer, effective May 15 th, 2006."

Por bien ta cu e dirigentenan di e sindicato Federacion di Trahadornan di Aruba (FTA) a wordo "ciega" pa e comision substancial cu FTA lo a ricibi for di e deal y p'esey lo no a conseha su miembrecia adecuada- y corectamente. E dirigentenan di FTA mester ta "transparente y habri", y admiti cu nan a pifia durante e negociacion cu Silver Moon y RIU y no trata di culpa gobierno pa nan fayo y incompetencia. Awor ta keda na Corte den Promer Instancia pa dicta si FTA y 73 trahador, firmando

e convenio di 10 Mei 2006 y aceptando puntonan 6 y 7, ainda lo por haci un apelacion riba huez pa honra e carta cu RIU Hotels a manda pa Minister di Labor dia 6

Februari 2006. Ser honesto y franco cu boso miembro of ex - miembronan, no crea un expectativa of haci promesanan cu boso sa di no por cumpli cu ne.



ATENCION

Na tur nos cursistanan di Fundacion
Desaroyo Educativo Comunitario

Pa medio di e comunicado aki, nos
ta informa boso cu entrante dia 17
di September, 2007, nos oficina den
Zoutmanstraat 1 a muda pa De La
Sallestraat 41-A (Banda di Tumazu).

Nos umber di telefon y fax a keda mescos
5820010/5886743 fax: 5886685
Nos ta pidi pa tuma bon nota di esaki.